

□



Future-proofing our children

Sitopa sa Makalelo

Toho ya Tuto

Jesu h'a kenisa Tempele

Buka ya Bashemi

Sikolo sa la Sunda sa mwa Malapa



Balatiwa Bashemi

Mwa amuhelwa kwa tuto ye li “**Jesu h’a kenisa Tempele**” ya Sitopa sa Makalelo.

Pampili ye i mifa kabukuswani kamo muka lutela tuto ye.

Mukwa mo mu kona ku itukiseza ni kufa tuto ye ka ona

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Kezo
1.	<p>Mu kene fa likepe la Keleke Yenca ya Baapositola, ka ku sebelisa likepe le fa WhatsApp:</p> <p>https://bit.ly/3NACSSH5</p>
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> • Bibeke • Mapampili a lukisizwe kale a tuto ye. • Buka mwa sebeleza mwanana, lipotoloto ni lipendisio za banana, ni zeñwi cwalo. • Maswaniso a ku buha a lukisizwe a kona ku sebeliswa ku ekeza fahalimw’a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) <p>Mamela:</p> <p>2.1: Nako yende ya kufa tuto ki la Sunda ka kusasani, kasamulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye bukuswani ha ku konahala, ka ku hupula nakonyana yeo banana ba kona ku teezeza ni ku utwisisa hande. (Mu sike mwa bulela ze sa ami tuto) ya mwanana – Ki mina mu ziba hahulu mwan’a mina ni ku fita. <i>Ka mulao, Sikolo sa la Sunda ha si swaneli ku fitelela mizuzu ye mashumi a mane ka ye keta-lizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Taelo ya Silumeli ni Tiisezo).</p> <p>2.4: Mulizeze kapa ku ikopanya ni muluti wa Sikolo sa la Sunda ha mu tokwa tuso kwa lisebeliso ze bulezwi.</p>
3.	<p>Mu lapele (Mu bone tapelo ye ñozwi, kwa mafelelezo) mi mu kupe Mulimu kuli a mi eze sisebeliso mwa ku fa tuto ye, ka mwa latela.</p>



4.	Mu eze sibaka sa tuto ku ba se sinde (ku sina lilata) fo mina ni mwanana mu ba ni buino bo buswana. <i>Ka mutala:</i> Mu ine fa lishasha/ fa museme kamba fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mu iutwisise hande. Mu buhe maswaniso a tuto kuli mu be ni kutwisiso hande
6.	Mu ñole tu ñusanyana twa butokwa to mu bata ku hupula ha mu fa tuto.



Mu fe tuto ya Sikolo sa la Sunda sa mwa Malapa

Mukwa mo mu kona ku itukiseza ni kufa tuto ye ka ona


Lu zwelapili ku mi fa mikwa, yeo mu swanela ku itukiseza ni ku fa tuto ye:

Muhato	Kezo
7.	Mu utwisise butokwa bwa tuto yeo mwanana a swanezi ku mamela ni ku sa libala.
8.	Mu fe mwan'a mina tuto ye, ka ku mu kandekela likande la tuto. Mu kona ni haiba ku mu balela likande le ha mu tabela.
9.	Mu supeze mwan'a mina video, mi mu kutele butokwa bwa tuto ye.
10.	Mu bulelele ni ku susuweza mwan'a mina kuli a eze musebezi o mwa buka ya hae, ya Sikolo sa la Sunda.
11.	Mu lapele kamba mu kupe mwanana kuli a lapele ka ku kwala tuto.

Lisebeliso zeo li fumanaha ku ama Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a Sikolo sa la Sunda.
2. Mu ambole ni bashemi ba bañwi kuli mu be ni kutwisiso ku amana ni tuto pili mu si ka ifa kale ku mwan'a mina.
3. Mu be ba ba lukuluhile, ku batisisa litaba zeñwi ku ama tuto ye.
4. Muongaongi ni muluti wa Sikolo sa la Sunda mwa kopano ya mina ba itukiselize ku mi tusa.

 Notes



Tuto

Toho ya Tuto	Jesu h'a kenisa Tempele
Linzwi la Bibeale	Joani 2 timana 13-25
Mutomo/butokwa bwa Tuto	Banana ba ituta kuli Ndu ya Mulimu ki sibaka sa butokwa, sibaka mo Mulimu a belekela teñi.

Kusufazo ya Tuto:

- Paseka ya Majuda ne se li fakaufi, mi Jesu a kambamela kwa Jerusalema.
- Jesu a potela tempele, mi kwa makalelo a taba ka ku fumana batu ba bañata mwa tempele.
- Mwa tempele, a bona batu ba ba leka ni ku lekisa libyana ni lifolofolo. Ba bañwi ne ba bapala makazi ni ku cinca mali.
- Jesu a filikana. Balutiwa ba Hae ne ba si ka mu bona kale a filikani cwalo.
- Jesu a lelekela kaufela kwand'a tempele, hamoho ni lingu ni likomu, a sululela fafasi mali a ba ba cinca, a wisa litafule za bona. A bulelela balekisi kuli tempele ba si ke ba i eza lilekelo – ki sibaka sa butokwa, ki ndu ya Mulimu. Lu kuteke tempele ya Mulimu – kakuli ki ndu ya tapelo.
- kasamulaho batu kaufela se ba zwile mwa tempele, ni kuli Jesu sa i kolwisize ku li balutiwa ba Hae ni sicaba kaufela ba utwisize seo a ba lutile, Jesu a zwa a kutela kwa Betania.

Kanti tuto ye italusa sikamañi ku luna kacenu?

- Ndu ya Mulimu ki sibaka sa butokwa – sibaka m'o Mulimu a belekela teñi.
- Lu na ni ku bonisa likute ni ku lata Ndu ya Mulimu.
- Ndu ya Mulimu ki sibaka k'o lu ya teñi ku yo teezeza Linzwi la Mulimu, ni ku teezeza kwa swalelo ya libi za luna, mane ni ku ikabela Silaalo se si Kenile.
- Lu bonananga ni balikani ba luna kaufela kwa Keleke, mi lu ikola nako yeo lu banga ni yona ni muluti wa Sikolo sa la Sunda. Ki sibaka sa butokwa k'o lu ikabela sizwale ni mizwale ni likaizeli.



Zeñwi za lipuzo zeo lu kona ku buza:

1. Kana mwa ziba ku li lu kona ku bonisa cwañi kuli lu kuteka ndu ya Mulimu?

Kalabo:

o Ka ku ina lu kuzize ni ku teezeza ku Muprisita, Mutoneli wa Kopano kamba Muapositola h'a nza kutaza.

o Ka ku ya ku yo amuhela Silaalo se si Kenile ka likute inze lu putile hande mazoho a luna h'a lu amuhela Silaalo se si Kenile.

o Ka ku teezeza kwa baluti ba luna ni baluti ba Sikolo sa la Sunda.

o Ka ku sa siya masila kamba mapampili a maswiti mwa lipula – kono lu beye zeo kaufela mwa mungomo wa matakala.

2. Lu kona ku bonahaza cwañi ku Mulimu kuli lwa mu kuteka?

Kalabo:

o Ka ku lapela ka zazi, isi feela ha lu tokwa se siñwi.

o Ka ku ituta zeñata ka bupilo bwa Jesu ni ka ku bala Bibebe.

3. Lu kona ku bonahaza cwañi likute la luna mwa hae?

Kalabo:

o Ka ku teezeza kwa bashemi ba luna ha ba bulela.

o Ka ku kenisa lindandulo za luna.

o Ka ku zusanga bashemi ba luna.

o Ka ku hupulanga ku bulela manzwi aa: Na kupa ni Ni itumezi.

o Ka ku lata bashemi ba luna ni mizwale ni likaizeli mane ni mabasi cwalo.





Litapelo za luna

Tapelo ya Bondate ni Boma ye fiwa pili tuto i si ka tateka kale:

Ndate ya mwa lihalimu, Na itumele ku Wena kwa lizazi le liñwi la lilato ni sishemo sa Hao. Na kupa u fuyole boma ni bondate, ni baeteleli ba luna, balikani ni mabasi a luna, Lu lapela kuli lu ku late ni kuli lu ka latelela bashemi ba luna. Lu fuyole kuli lu kone ku ba ni sishemo ni lilato mane ni ku ba ni likute ni musa ku be lu kopana ni bona

Lwa kupa u fuyole tuto ya Sikolo sa banana sa la Sunda ye, ni kuli nako kaufela lu hupule ku itumela ku Wena ka ku lu keta ku ba bana ba Hao. Lu bata ku inelela mwa tumelo ni ku latelela ku fitela u taha ku to lungela kwa hae. Lu kupa ze kaufela mwa libizo la Hao. Amen

Tapelo kasamulaho wa tuto:

Ndate ya mwa lihalimu, Lwa itumela kakuli u lu silelelize, ni ku lu lumelela kuli lu kone ku ba ni likande le linde la Bibe. Lwa itumela kwa ku lu babalela ni ku lu sileleza kwa likozi. Na kupa u lu tuse ku ba ba latelela bashemi ba luna, ni ku ba ni sishemo ku be lu kopana ni bona. Na kupa u lu tuse kwa misebezi ya luna ya kwa sikolo. Fuyola Muapositola yo Muhulu, Baapositola ni baeteleli ba keleke kaufela, mi u ba sileleze mwa misipili ya bona, ili kuli ba lu lute zeñata za musebezi wa Hao. Na kupa u tuse bana ba Hao kaufela, sihulu ba ba kula, ni ba ba sina sa kuca ni malobalo. Taha kapili u lu ngele kwa hae. Lu kupa ze kaufela, isi kuli za lu swanela, kono mwa libizo la Jesu. Amen.